



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Monachis Sancti Ivliani, & ... Personæ Ecclesiæ sancti Dionysij de  
Ambasia.

**urn:nbn:de:hbz:466:1-20020**

ALBERTO FERENTINATI  
Episcopo.

Epist. 53.  
Concedimus  
q. idam locus  
pro consti-  
tudo molendino.

**Q**VIA TE, sicut venerabilem fratrem, vinculo sincerae caritatis amplectimur, in his que secundum Deum possumus prompta tibi volumus benignitate deferre. Quocirca, venerabilis in Christo frater, tuis precibus inclinati, locum qui dicitur Molendinum de Papa, cum omni jure nostro, ad construendum ibidem molendinum, tibi & duobus successoribus tuis titulo locationis sub annua pensione unius librae ceræ concedimus; ita videlicet quod post decepsum eorundem successorum tuorum locus ipse cum omni melioratione sua liberè ad Romanam Ecclesiam revertatur. Decernimus ergo ut nulli omnino hominum licet hanc paginam nostræ locationis infringere vel ei auctu temerario contraire. Si quis autem hoc attentare præsumperit, indignationem omnipotentis Dei & beatorum Petri & Pauli Apostolorum ejus se noverit incursum. Datum Laterani vii. Kalend. Maij, pontificatus nostri anno tertio decimo.

NICENSI EPISCOPO, ET  
Lirinenſi clauſtri & de Mogenis Priori-  
bus Antipolitanæ dioceſis.

Epist. 54.  
Vt mulierem  
quandam ad  
marituum suum  
redire cogant.

**A**Ccedens olim ad apostolicam sedem R. de Fonte laicus sua nobis conquestione monstrauit quod cum Rixendam filiam Benedicti de Graffia Antipolitanæ dioecesis duxisset legitimè in uxorem, & inter eos fuisset carnalis copula subsecuta, dictus B. in contrarium voluntate mutata, ipsum coram venerabili fratre nostro Antipolitano Episcopo traxit in causam, dictam filiam suam afferens sibi coactam nupsisse. Cujus dictus Episcopus favere cupiens voluntati, probationes ejusdem R. admittere recusavit, cum impetu proferens quod antedictæ mulieri nubendi alij licentiam concedebar. A quo gravamine idem vir ad sedem apostolicam appellavit, præfata inhibens mulieri ne alij viro se præsumeret copulare. Sed dictus pater eandem filiam suam clam, non in facie Ecclesiæ, nihilominus cuidam Bertrando nomine minus licite copulavit. Quare venerabili fratri nostro Vigintimilensi Episcopo & dilecto filio Abbatii sancti Honorati & magistro R. rectori Ecclesiæ sancti Michaëlis Antipolitanæ dioecesis deditimus in mandatis ut inquisita super præmissis diligenter veritate, quod canonicum esset statuere procurarent, facientes quod statuerent per cen-

soram ecclesiasticam firmiter observari. Ad quorum ire praesentiam, sicut eorum transmissæ nobis litteræ continebant, pars mulieris saepius citata contempnit. Accedens tandem post multum temporis intervallum & afferens mandatum apostolicum per suppressionem veritatis obtentum, propuluit mulierem eandem dilecto R. cui coacta nupserat, minus legitimè copulatam, nec interveniente carnalem copulam inter eos, inficiens & improbare contendens quod dictus Antipolitanus probations ipsius R. admittere recularit, & quod præcipitarit sententiam contra eum. Præfato igitur R. probations super omnibus quæ ad obtinendum mandatum nostrum dixerat offerente, ipsi testes receperunt hinc inde. Et quoniam ad multas dilatationes quas dederant ad probandum, & ad unum peremptorium pars non venerat mulieris, cum vellent dicta testium publicare, procurator mulieris ipsius, qui venerat ad alind peremptorium quod assignaverant, appellavit, litteras arguens falsitatis, & bullam volens astruere, quia punctus deerat, esse falfam. Cumque dicti judices appellatione ab eo interposita detulissent, eandem causam cum attestationibus receptis ad nos sufficierem remiserunt instruētam, festum beati Lucae proximò præteritum utrique partem terminum præfigentes, quo cum ipsis nostro se conspectui præsentarent. Nos igitur auditis attestationibus ipsi & plenius intellectis, quia nobis constitutis per eisdem mulieré ipsam in dictum virum suum præstissime consensem, discretioni vestre per apostolica scripta præcipiendo mandamus quatinus eandem, ut ad virum suum redat & affectui ei adhæreat conjugalium, patrem quoque ac matrem, ne consilium & auxilium ei præstent quod minus revertantur ad ipsum, monitione præmissa per censuram ecclesiasticam appellatione remota cogatis. Nullis litteris veritati & justitia præjudicantibus à sede apostolica impetratis. Quod si non omnes &c. tu, frater Episcope, cum eorum altero &c. Datum Laterani vii. Kal. Maij, pontificatus nostri anno tertio decimo.

MONACHIS SANCTI IULIANI,  
& ... Personæ Ecclesiæ sancti Dionysij  
de Ambasia.

**C**VM inter vos ex parte una & Canonicos S. Florentini dioecesis Turonensis ex altera super jure parochiali ejusdem castri per utriusque partis procuratores in nostra præsencia quæstio verteretur, ad

hanc tandem concordiam spontanei deveniunt, ut videlicet dominus castri praedicti cum familia sua, quam exhibet, Milites vero cum familis illis quae percipiunt victum & vestitum ab eis quotidianum, necnon omnes Clerici ejusdem castri cum familia suis, quas exhibent, praeter illos duntaxat five Clericos five laicos qui de familia sancti Thomae ac sancti Dionysij & sancti Salvatoris esse noscuntur, Canonicis memoratis & eorum Ecclesia de cetero parochiali sint jure subjecti; ipsi quoque Canonicci in quindecim baliis inferiis annotatis habeant decem & octo Balivos, cum familis eorum victum & vestitum quotidianum percipientibus ab eisdem; ita quod id nec minui valeat nec augeri. Nomina vero Balivorum & balarum sunt ista. Prapositura castri, pedagaria, pontonaria, annonaria, prapositura varatna, prapositura Iohannis de Ambasia, prapositura Peronellae de Vindocino, villicus domini de Nereio, prapositura Bertranni Miliitis, carpentaria Domini Ambasie, calderaria Domini, bucheria Domini, exclusaria, tabernaria & forestaria. Verum in tribus ultimis nominatis sex habere debent, & unum in qualibet præmissarum. Sanè corpora parochianorum suorum in cimiterio Ecclesiae sancti Dionysij, quod tam vobis quam præfatis Canonicis est commune, de cetero tumulabuntur à Canoniciis memoratis, nisi alias decedentes elegerint sepulturam. Et eadem corpora prius per eos in præfatam sancti Dionysij Ecclesiam inferentur, & Misericordiarum officiis, si quidem tempus fuerit celebrandi, à monachis vel Presbytero celebratis, oblatione ad monachos & Presbyterum devolvetur. quod si tempus non fuerit celebrandi, hujusmodi corpora deferri ad sepulturam ab Ecclesia memorata debebunt. Reliquum autem officium ad sepulturam pertinens, pro sui dignitate conventus celebrabant Canonicci antedicti, quod non solummodo de parochianis eorum statutum est esse servandum, sed etiam de omnibus aliis ad quorum exequias in Ecclesia sancti Dionysij celebrandas fuerint evocati. Chrifa vero & oleum sanctum ab Ecclesia ipsa recipient simul & semel in anno. De feudariis insuper est statutum ut quicunque ipsorum haberit plura feuda vel unum, eti plura integra feuda ad plures personas devenerint, quicunque haberit integrum, cum omni familia sua, quam exhibet, si vero integrum feendum in pluribus fuerit partes divitum, is qui partem te-

Tom. II.

nuerit principalem, Ecclesia sancti Florentini parrochianus existet. Reliquos autem omnes Ecclesia sancti Dionysij obtinebit. Nos igitur concordiam approbantes eandem, ipsam auctoritate apostolica confirmamus & presentis scripti patrocinio communimus. Nulli ergo omnino hominum licet hanc paginam nostræ confirmationis infringere vel ei ausu temerari contraire. Si quis autem &c. usque incursum. Datum Laterani decimo Kal. Maij, pontificatus nostri anno tertio decimo.

CANONICIS SANCTI  
Florentini.

**C**um inter vos ex parte una & monachos sancti Juliani ac. Personam Ecclesiae sancti Dionysij de Ambasia dioecesis Turonensis ex altera &c. ut in alia usque esse noscuntur, vobis & Ecclesia vestra de cetero parochiali sint jure subjecti. Præterea vos in quindecim baliis inferiis annotatis habeatis decem & octo Balivos &c. ut in alia usque ultimis nominatis sex habere debebitis, & unum in qualibet præmissarum. Sanè corpora parochianorum vestrorum in cimiterio Ecclesiae sancti Dionysij, quod tam vobis quam Capellano & monachis est commune, de cetero tumulabuntur à vobis, nisi alias decedentes elegerint sepulturam, & eadem corpora prius per vos in præfatam sancti Dionysij Ecclesiam inferentur &c. ut in alia usque pertinens pro vestri dignitate conventus celebrabitis. Quod non solummodo de parochianis vestris statutum est &c. ut in alia usque celebrandas fueritis evocati. Chrifa vero & oleum sanctum ab eadem recipietis Ecclesia simul & semel in anno. De feudariis insuper est statutum &c. ut in alia usque in finem per totum. Datum similiter ut in alia per totum.

EPISCOPO, ET MAGISTRO  
Flo. Archidiacono Zamorense, & Abbatu  
de Morerola dioecesis Zamorense.

**G**rade gerimus & indignum quod cum venerabilis frater noster Portugalis Episcopus, post diutinas persecutions angustias quas à carissimo in Christo filio nostro illuftri Rege Portugalenſi & ejus noscitur sustinuisse ministris, evasis demum fugae praesidio custodis violentis, bonisque suis, non solum ecclesiasticis, verum etiam patrimonialibus, derelictis, compulsi sit pariter cum Decano suo & aliis, licet paucis, tribulationis propriis participibus, pro commissa sibi Ecclesia

III ij

Epist. 36.  
Super codem.

Epist. 37.  
Commitit inquisitionem super excessibus Canonico-  
rum Portuga-  
lenium.